

Ali Al Akber ibn Husayn (p)
Zakhmi sina sey runmay jo Shae ka pisar hua
(Mir Anees)

Zakhmi sina sey runmay jo Shae ka pisar hua
hersimt sey la'een herek hamlawar hua
tar khoon mein muraqa-e-khairul bashar hua
Aakhir juda aqaab sey wo seembar hua

Maqtal mein kya hujoom tha uss noor-e-ain per
parwaane gir rahe the charaag-e-Hussain per

Girna tha baske ser per laga gurz hey sitam
yun jhuk gae ke hotey hein sajde mein jaese qam
rakh di gale pe sheesh ne shamsheer-e-taze dam
Talwaar ek padhi ke huee pasliyaan khalam

Ghul tha ke karo na rehem tane paash paash per
Dauda do ghodey Akber-e-mehroon ki laash per

Hazrath khadey the khaime ki pakdey hu-e-tanaab
sunkar ye ghul, rahi na dil-e-natavaan ko taab
nagaah runsey aae sada-e-falak janab
Beta jahan sey jaata hain ab aa-e-shataab

Laashe pa zulm-o-jor bad af'aal karte hein
ghodon sey ahle keen hamein pamaal karte hein

Peeri mey khair hai khabar-e-marge nuajawaan
reti pa thar tharate girey Shaahe ins-o-jaan
nikli saron ko peethi khaimon se bibiyaan
Bano pukaari khair to hai Ay Shahe Zamaan

Hay hay pisar sey konsi madar bichadh gae
saaheb batao kya meri basti ujadh gae

Naezey se kiske laal ka zakhmi hua jigar
karte hein kiski laash ko pamaal ahl-e-shar
kehta hain kon runmey tadap kar pidar pidar
ab ghar sey mein nikalti hoon Ya Sayyad-al-bashar

parda na mujhsey kijiye sab jaanti hoon mein
awaaz ye ushi ki hain pehchanti hoon mein

Bano ko khasme deke chale Shahe naamdaar
wo pyaas aur wo dhoop ka sadma wo izteraar
dil tha ulat palat to kaleja tha beqaraar
Uthtey the aur zameen pa girte the baar baar

Chillate the shabeehe Payambar ham aate hein
Ghabraeeyo na Ay Ali Akber ham aate hein

Aaon kidhar ko Ay Ali Akber jawab do
chilla rahi hai dewdhi pa madar jawab do
Akber bara-e-khalaq Akber jawab do
Beta jawab do mere dilbar jawab do

Girtey hein ham sawab ka haathon sey kaam lo
Beta zaeef baap ke bazoo ko thaam lo

Hazrath zameen pa girke pukare ke hai hai
Dushman ko bhi na bete ka laasha khuda dikhai
zinda rahe ye peer jawaan yun jahan se jaai
Ay laal teen roz ke faaqe mein zaqm khai

Shayad jigar ke zaqm se tum beqaraar ho
Zakhmi tumhaari chaati pa baba nisaar ho

Kyun khaenchtey ho paoon zameen per pidar nisar
kyun haath utha utha ke pataktey ho baar baar
Aankhein to kholdo ke mera dil hai beqaraar
Beta tumhaari Maa ko tumhaara hai intezaar

Behney khadi hein dar pa tere ishtiyaaq mein
Akber tumhaari Maa na jiyegi firaaq mein

Hazrath ye kehtey the ke chala qalq sey pisar
itni zabaan hili ke Khuda hafez Ay pidar
Hichki jo aae thaam liya haath sey jigar
Anghdaee lekey rakh diya Shae ke khadam pa ser

Abaad ghar luta Shahe wala ke saamne
Bete ka dam nikal gaya Baba ke saamne